



# Dewisiadau gofal plant i blant a theuluoedd

## Manffesto ar gyfer gofal plant mewn awyrgylch cartref yn etholiad cyffredinol 2010

Mae Cymdeithas Genedlaethol Gwarchod Plant, y gymdeithas broffesiynol ar gyfer gwarchodwyr plant a nanis, yn galw ar Lywodraeth nesaf y DU i gefnogi gofal plant mewn awyrgylch cartref a sicrhau fod gan bob teulu a chymuned leol ddewis eang mewn sector gofal plant deinamig.

**Mae Cymdeithas Genedlaethol Gwarchod Plant (NCMA) yn gofyn ichi gefnogi'r manffesto hwn.**

### 1. Hygyrchedd

Sicrhau fod pob teulu ym mhob cymuned yn gallu defnyddio lleoliad gofal plant mewn awyrgylch cartref o safon uchel drwy fynd i'r afael â'r lleihad yn niferoedd gwarchodwyr plant drwy fuddsoddi, cefnogi a hyrwyddo gwarchod plant.

### 2. Ansawdd

Cefnogi datblygiad proffesiynol parhaus gwarchodwyr plant cofrestredig a nanis, drwy fuddsoddi mewn hyfforddiant, cymwysterau a rhwydweithiau gwarchod plant, fel y gall pob plentyn fanteisio ar chwarae a dysgu o safon uchel a gynigir mewn lleoliadau awyrgylch cartref.

### 3. Fforddiadwyedd

Helpu rhieni gyda chost gofal plant a rhoi'r opsiwn i bob teulu ddewis gwarchodwyr plant i gyflenwi lleoedd gofal plant a ariennir gan y Llywodraeth. Sicrhau fod rhieni sydd angen cymorth ychwanegol yn ystod gwyliau ysgol, neu deuluoedd â phlant anabl neu blant sydd ag anghenion ychwanegol yn gallu dewis gofal plant personol, ymatebol a hyblyg mewn awyrgylch cartref.

### 4. Cydnabyddiaeth

Cydnabod y cyfraniad a wna gwarchodwyr plant a nanis wrth helpu i leihau tlodi plant drwy gefnogi teuluoedd wrth iddynt ddychwelyd i hyfforddiant neu waith. Sicrhau fod gan leoliadau mewn awyrgylch cartref yr un cyfle i gael cymorth a chyllid gan y Llywodraeth, yn genedlaethol ac yn lleol, fel bo gan bob rhiant ddewis gwirioneddol o ran gofal plant.

## Ymweld â lleoliad mewn awyrgylch cartref

Er mwyn trefnu ymweld â lleoliad mewn awyrgylch cartref yn yr etholaeth lle'r ydych yn sefyll yn yr etholiad cyffredinol, cysylltwch â Peter Evans, NCMA Cymru ar 0845 8801299



"Mae gofal plant mewn awyrgylch cartref yn caniatáu i blant ffynnu ac yn golygu bod eu hanghenion unigol yn cael eu bodloni. Bob dydd, mae mwy na 60,000 o warchodwyr plant cofrestredig yng Nghymru a Lloegr a 30,000 o nanis yn darparu bron i 350,000 o leoedd gofal plant i blant rhieni sy'n gweithio neu sy'n fyfyrwyr, gan gynnwys plant anabl, plant ag anghenion ychwanegol, babanod a phlant cyn oed ysgol"

Susanna Dawson, gwarchodwr plant cofrestredig a Chadeirydd NCMA



## Manteision gofal plant mewn awyrgylch cartref

Mae gwarchodwyr plant a nanis yn cynnig gofal plant personol ac ymatebol sy'n caniatáu i bob plentyn ddatblygu perthynas agos â'r oedolyn sy'n gofalu amdano, a dylanwadu ar eu cyfleoedd chwarae a dysgu eu hunain.

Mae'r NCMA yn credu bod plant o bob oed yn cael budd o ofal plant a chyfleoedd chwarae a dysgu yn y cartref, oherwydd:

**Maent yn gyson** – mae'r plentyn yn cael gofal gan yr un nani neu warchodwr plant cofrestredig bob diwrnod, dros nifer o flynyddoedd yn aml.

**Maent yn hyblyg** – er enghraifft, gall nani neu warchodwr plant cofrestredig ofalu am blentyn y mae ei rieni'n gweithio oriau anarferol, a gallant ddarparu gofal plant llawn a gofal cyn neu ar ôl ysgol.

**Maent yn gynhwysol** – gall nani neu warchodwr plant cofrestredig ofalu am blant o wahanol oed a gallu gyda'i gilydd mewn grwpiau teuluol.

**Maent yn canolbwyntio ar gymunedau** – gall nani neu warchodwr plant cofrestredig adlewyrchu anghenion cymunedau lleol, a galluogi'r plant y maent yn gofalu amdanynt i fod yn rhan o'u cymuned leol.

**Maent yn bersonol** – gall nani neu warchodwr plant cofrestredig ddiwallu anghenion plant a theuluoedd unigol, er enghraifft rhieni sydd yn eu harddegau neu blant anabl, ac addasu i'w hanghenion sy'n newid

**Maent yn gefnogol** – mae babanod a phlant iau'n enwedig yn datblygu orau mewn gwasanaeth gofal plant a geir yn y cartref, oherwydd maent yn cael gofal mewn grwpiau llai o faint a chan yr un nani neu warchodwr plant cofrestredig bob dydd.

Mae Cymdeithas Genedlaethol Gwarchod Plant (NCMA) yn elusen ac yn gymdeithas broffesiynol.

Credwn y dylai pob plentyn gyrraedd ei lawn botensial ac, ers 1977, rydym wedi gweithio gyda gwarchodwyr plant cofrestredig, nanis ac unigolion a sefydliadau eraill, megis llywodraeth leol a chenedlaethol, i sicrhau fod gan deuluoedd ym mhob cymuned yng Nghymru a Lloegr y posibilrwydd o gael gofal plant mewn awyrgylch cartref, chwarae, addysg a chymorth i deuluoedd o safon uchel. Cynhyrchwyd y maniffesto hwn gan NCMA. Mae rhagor o gopiau ar gael gan Tim Farrow ar 0845 880 0044 neu ar ein gwefan yn [www.ncma.org.uk](http://www.ncma.org.uk).

